



釋迦如來應化錄

下二

502
5



月八日
卷 502
卷 5

消印

釋迦如來應化錄下目錄二

佛還覲父 殞送父王

佛救釋種 為母說法

最初造像 浴佛形像

姨母涅槃 請佛入滅

佛指移石 囑分舍利

付囑諸天 付囑龍王

請佛住世 天龍悲泣

佛本行經

魔王說呪

純陀後供

度須跋陀

佛現金剛

如來懸記

最後垂訓

臨終遺教

茶毘法則

造塔法式

應盡還源

雙林入滅

為母捨去

勸發歸父

嚴送父王

釋迦如來應化錄下二



釋迦如來應化錄下二

佛還觀父

報恩寺沙門寶成編集

淨飯王泥洹經云爾時世尊在靈鷲山天耳遙聞迦
維羅城中父王病卧命欲將終渴仰欲見諸子佛與
難陀阿難羅睺等即以神足踊身虚空須臾而至迦
維羅衛放大光明光照王身患苦得安佛與難陀等
乘空來至佛便入宮王見佛到王舉兩手而言惟願
如來手摩我身令我得安為病所困痛不可忍我命
將逝我今見子痛苦即除復言汝願已成就亦滿眾
生願我今得重病願汝度我厄佛言惟願父王莫復

愁憂卽以手著父王額上命雖欲終自可實意王卽
以手捉於佛手著於心上白言我今見汝我願已滿
心意踊悅從是卧別如來至真多所利益其有得見
聞所說者此輩之等皆是有相大功德人今日世尊
是我之子接遇過多不相見棄是時父王卽於卧處
合掌心禮世尊足下時佛手掌在王心上無常對至
命盡氣絕忽就後世

殯送父王

淨飯王泥洹經云爾時淨飯王命盡氣絕時諸釋子
以衆香水洗浴王身纏細白氈而以棺斂爾時世尊

念當來世人民凶暴不報父母養育之恩爲不孝之
子爲是當來衆生之等設禮法故如來躬身自欲擔
於父王之棺時四天王俱來赴喪長跪白佛願聽我
等擡父王棺佛卽許之四天王各變入形像以手擎
棺擡於肩上舉國人民莫不啼哭如來躬身手執香
爐在棺前行出詣葬所佛與大衆共積香薪舉棺置
上放火焚之一切大衆益更悲哭於是世尊告大衆
曰世皆無常苦空無我無有堅固如幻如化如熱如
焰如水中月命不久居汝等諸人當勤精進而自勸
勉永離生死乃得大安舉火焚燒大王身已爾時諸

王各各皆持五百瓶香水以用滅火火滅之後競共收骨盛置金函即於其上便共起塔懸繒幡蓋及種種鈴供養塔廟

佛救釋種

增一阿含經云波斯匿王生一太子名曰流離年始八歲至迦衛羅國外父釋種摩訶男舍新起一堂敷種種座請佛及僧於中供養流離太子昇座而坐諸釋種見之共皆毀辱太子歎息即語好苦梵志我後紹王位時我當報讐波斯匿王後取命終便立流離太子為王時好苦梵志白言王當憶釋種毀辱王曰

善王即集四種之兵往迦衛羅國征伐釋種世尊聞已即以神力往至道側在枯樹下坐時流離王遙見世尊在樹下坐即下車至世尊所頭面禮足在一面坐白世尊言更有好樹不在彼坐世尊今日何故在此枯樹下坐世尊告曰親族之蔭勝外人也是時世尊便說偈言親族之蔭涼釋種出於佛盡是我枝葉故坐斯樹下是時流離王即作是念世尊今日出於釋種吾不應往征宜可齊此還歸本土如是至三佛以神力三度止之

為母說法

摩訶摩耶經云佛在初利天歡喜園中波利質多羅
樹下三月安居如來結跏趺坐放百千光明光中有
千蓮花有千化佛日月星辰所有威光隱蔽不現佛
告文殊師利汝詣母所道我在此佛母聞已乳自流
出猶白蓮花而直入於如來口中如來見母內懷忻
敬而白母言身所經處與苦樂俱當修涅槃永離苦
樂佛母聞已專精正念諸結消伏而白佛言一切衆
生在於五道皆由煩惱過患所致故有結縛不得自
在願我來世得成正覺當爲一切斷此苦本佛言衆
生所以不得解脫皆由貪欲嗔恚愚痴致令恒在生

死乃至欲求生天亦難何況希望離生死耶在世失
好名稱朋友親屬皆共踈棄臨命終時極大懼怖神
識恍惚方自悔責如此皆由三毒患故若人欲求解
脫妙果宜斷苦本彼愚痴凡夫爲結所纏時會大衆
聞此語已悲號懊惱

最初造像

造像經云佛在天宮安居三月爲母說法優陀延王
渴仰思佛發願造像毗首羯磨天工巧無匹化身爲
匠於佛初誕生日起工不自而成佛化三道寶階從
天而下諸天翼從威德熾盛光明赫奕如滿月在空

衆星共遶如日初出采霞紛映梵王執白蓋在右帝
釋持白拂侍左諸天乘空而下虛空音樂妙香雨花
四大天王獻微妙供佛告優陀延王汝於我法中初
爲軌則更無有人與汝等者令諸衆生得大信利已
獲福德廣大善根天帝告王佛在天上贊王造像功
德宜自欣慶佛言若人以雜絲繡節金銀銅鐵鉛錫
鎔鑄香木玉石雕刻織綉作佛形像乃至極小如一
指大獲種種福報功德無量不生邊小國土下劣種
姓不淨邪見貧窮之家生人天中圓滿超衆無諸病
苦不爲毒藥刀兵諸橫傷害不墮三途不受苦報滅

種種罪獲種種福

浴佛形像

灌佛經云佛告摩訶刹頭諸天人民言人身難得佛
世難值吾本從阿僧祇劫時身為白衣累劫積德每
生自責展轉五道不貪財寶無所愛惜自致爲王太
子以四月八日生墮地行七步舉右手而言天上天
下惟吾獨尊當爲天人作無上師太子生時地爲大
動梵天初利天四天王各持十二種香湯浴太子身
太子得成佛道開現道法濟度羣迷佛言所以用四
月八日者以春夏之際殃罪悉畢萬物普生毒氣未

行不寒不熱時氣和適正是佛生之日諸善男子善
女人於佛滅後當至心念佛無量功德之力浴佛形
像如佛在時得福無量不可稱數諸天龍神常隨擁
護佛言人身難得佛經難值若能自減損妻子之分
五家財物以用浴佛形像者如佛在時所願悉得欲
求度世取無為道長不欲為生死會者可求精進無
上之道

姨母涅槃

佛母般泥洹經云爾時佛姨母大愛道比丘尼與除
饑女五百人俱到佛所叉手而立自佛言吾不忍

佛及諸應真滅度欲先泥洹佛嘿可之佛姨母以手
摩足曰吾免觀如來應儀正真道最正覺道法御天
人師三界明自今不復觀之矣五百除饑女陳辭如
上佛亦可之也佛為說身患生死憂悲苦不如意惱
之難又歎無欲清淨空不願無想滅度之安若十淨
器除饑諸女莫不歡喜遠佛三而稽首而去還于精
舍敷五百座皆各就坐大愛道現神足通自座沒地
從東方來在虛空中變化去地七多羅樹經行虛空
中乍坐乍卧上身出水下身出火下身出水上身出
火又沒地中飛從西方來化現如前八方上下顯現

神通不可稱計放大光明以照諸冥上耀諸天五百
除饑變化亦然同時泥洹佛勸諸賢者作五百葬具
幢幡奉送如法荼毘
請佛入滅
摩訶摩耶經云爾時魔王波旬即來佛所稽首佛足
而白佛言我於往昔勸請世尊入於涅槃于時世尊
而答我言我請弟舍比丘比丘尼優婆塞優婆夷未
具足故所以未應入於涅槃世尊今者諸四部眾皆
悉具足所度已畢唯願善逝速入涅槃爾時世尊即
答魔言善哉波旬當知如來却後三月入於涅槃時

魔波旬見佛許已歡喜踊躍不能自勝頂禮佛足還
歸天宮爾時如來既許天魔却後三月當入涅槃即
便捨於無量之壽以神通力故任命三月于時大地
六種震動日無精光風雨違常天龍八部莫不駭怖
來至佛所爇塞空中時阿難白佛言世尊常說四神
足人則能住壽一劫住世若減一劫隨意自在云何
如來不久住世同於諸行佛言阿難當知一切諸行
法皆如是不得常存阿難聞已迷悶懊惱不能自勝
悲號啼泣深追悔責

佛拍移石

涅槃經云拘尸那城中有力士三十萬人聞世尊入於涅槃當於此路至娑羅林由是力士平治此道爾時世尊化作沙門至力士所作如是言諸童子輩作何事耶力士聞已皆生嗔恨語沙門曰汝今云何謂我等為童子耶沙門言汝等大眾三十萬人盡其身力不能移此當路之石云何不名為童子乎力士言汝若謂我為童子者當知汝即是有力大人也時沙門以足二指挑起此石復言沙門汝今能移此石出於道否沙門以手擲石置虛空中力士皆生驚怖尋欲逃竄沙門言汝等不應生怖力士復作是言沙門

是石常耶是無常耶沙門以口吹之石即散壞猶如微塵力士見已唱言沙門是石無常即生愧心而自克責云何我等恃枯自在色力命財而生憍慢佛知其心即捨化身還復本形而為說法力士見已一切皆發菩提之心

囑分舍利

蓮華面經云佛於跋提河告阿難言我今疲極可入河浴世尊脫袈裟置河岸上入河浴已佛告阿難汝可觀我三十二相莊嚴之身却後三月當入涅槃阿難白佛言惟願世尊為我宣說佛涅槃後諸眾生等

供養如來舍利等事佛告阿難如來入涅槃時入金剛三昧碎此肉身猶如芥子如是一分舍利向諸天所一分舍利向龍王世界一分舍利向夜叉世界爾時諸天龍王毘沙門天王皆以香花供養舍利如見佛身恭敬禮拜皆發無上大菩提願彼餘舍利在闍浮提當來有王名阿輪迦為供養舍利造八萬四千塔復有六萬諸王亦各造塔供養舍利以諸花鬘雜香燈明音樂恭敬禮拜種無上菩提善根或有出家信心清淨而被法服精勤修道皆悉漏盡而般涅槃如來有大威德以彼法身依生身故供養生身舍利

所得無量功德

付囑諸天

蓮華面經云爾時世尊為阿難說分舍利已復作是念我於三阿僧祇劫勤苦修道所成佛法欲令久住於世間故當往諸天所住之處付囑佛法爾時如來即升三十三天爾時帝釋天王見世尊已即敷高座白佛言願受此座世尊即坐與百千眾頂禮佛足佛告帝釋汝今當知吾亦不久當般涅槃以此佛法囑累於汝汝當護持帝釋天王悲泣雨面救淚而言世尊涅槃一何速哉世尊法眼於茲永滅如佛所教是

我力分卽當護持恭敬供養如來昔從兜率陀天降
神母胎我與初刹衆常作守護及佛生時亦與諸天
共來守護坐菩提樹下破魔軍衆成等正覺我與諸
天亦來守護於鹿野苑中轉妙法輪我與天衆亦常
守護我今無力能使如來不入涅槃無力能護爾時
世尊說種種法勸喻安慰示教利喜帝釋諸天令護
佛法又任世間

付囑龍王

蓮華面經云爾時如來爲帝釋諸天付囑令護佛法
從天上沒卽於娑伽羅龍王宮出爾時龍王見如來

至卽爲如來敷座佛坐其座百千龍衆頂禮佛足佛
告龍王曰汝今當知如來不久入於涅槃我以佛法
囑累於汝汝當守護無令斷絕龍王當知此龍世界
有諸惡龍多生嗔恚不知罪福爲惡卒暴破壞我法
是故我今以此佛法囑累於汝爾時龍王悲泣雨面
投淚而言世尊我諸龍等盲無慧眼是故今者生畜
生中若佛滅後龍世界空我等捨命不知未來當生
何處諸佛如來是衆生師云何今者欲般涅槃世間
眼滅爾時世尊爲龍王種種說法示教利喜付囑娑
伽羅龍王德叉迦龍王難陀龍王跋難陀龍王和脩

吉龍王阿那婆達多龍王摩那斯龍王優鉢羅龍王
文隣龍王黑色龍王各與若干百千眷屬令護佛法
久住世間而不斷絕

請佛住世

大般涅槃經云佛在拘尸那城力士生地阿利羅跋
提河邊娑羅雙樹間與八十億比丘前後圍繞二月
十五日臨涅槃時出大音聲普告衆生今日如來應
正徧知憐愍衆生覆護衆生等視衆生猶如一子大
覺世尊將欲滅度若有所疑今悉可問爾時世尊從
其面門放種種光青黃赤白頗黎碼碯色光徧照三

十大千世界乃至十方一切佛土六趣衆生遇斯光
者罪垢煩惱皆悉除滅咸皆悲歎愁憂苦惱舉聲啼
哭悲號哀慟捶骨大叫淚下如雨嗚呼慈父痛哉苦
哉時諸四衆共相謂言當疾往詣拘尸那城力士生
地禮拜供養勸請如來莫般涅槃復作是言世間虛
空衆生福盡不善諸業增長出世我等從今無有救
護無所宗仰貧窮孤露作是念已俱詣佛所頭面頂
禮拔淚而言惟願世尊莫入涅槃世尊默然不果所
願同時號哭

天龍悲泣

蓮華面經云爾時世尊離菩提樹時帝釋天王與三十三天衆須臾摩天兜率陀天化樂天各與諸天衆同時舉聲悲泣雨淚以手拭淚而說偈言如來容色甚微妙超勝衆生無比者如是莊嚴殊特身不久之間當滅度是時毘摩質多阿脩羅王與阿脩羅衆娑伽羅龍王與諸龍衆毘留勒叉天王與鳩槃荼衆毘留博叉天王提頭賴吒天王與諸龍衆毘沙門天王散脂迦太夜叉大將摩尼跋陀羅太夜叉將與夜叉衆地神天神林神金剛密跡藍毘尼林神迦毘羅城神菩提樹神與諸天龍八部等衆出大音聲悲啼號

哭而作是言佛是衆生之父不久當沒佛言汝等莫哭令心迷悶何有世間而受生者因緣和合有爲之法而得久任強令無常之法不滅壞者無有是處爾時世尊種種說法令心開解生大歡喜諸天龍王頂禮世尊各還本處

魔王說呪

大般泥洹經云爾時天魔波旬與無量天子天女衆辦諸飲食來詣佛所稽首請佛惟願世尊哀受我供受我供已其有善男子善女人若有稱摩訶衍名者若真若偽我等皆當爲是人等作無畏呪而守護之

而說是呪吽吒翅吒吒囉吽翅魯樓麗摩訶魯樓麗阿
羅摩羅多羅悉波呵魔王白佛言世尊是呪能令諸
亂心者得深妙定能令諸恐怖者離諸恐怖能令爲
法師者辯才無斷悉能降伏外道諸有能護正法者
爲是呪所護如佩神劍我此呪術所說誠諦若有人
能持此呪者若止曠野凶害毒獸水火難等若持若
說衆難悉除我等今日皆悉已離諸難諂曲惟願世
尊哀受我供願并印可所說神呪爾時世尊卽告魔
王言我不受汝飲食供養爲安隱一切衆生故今當
受汝神呪法施時大自在天王見佛放大光明遍照

世界稽首贊歎

純陀後供

大般泥洹經云拘夷那竭國有長者名曰純陀與五
百長者子俱心懷憂戚爲佛作禮涕下如雨合掌白
佛惟願世尊哀受我等最後供養當令我及一切衆
生悉蒙解脫世尊告純陀言當受汝請最後供養汝
今純陀莫生憂惱應大歡喜汝今勿請如來長住此
世當觀世間皆悉無常一切衆生性亦如是正使父
在世終歸會當滅雖生長壽天命亦要當盡事成皆
當敗有者悉磨滅壯爲老所壞強者病所困人生皆

有死無常安可久妻子及象馬錢財悉復然世間諸
親戚眷屬皆別離惟有生老苦病死之大患純陀悲
號流淚而復啟請願哀久住世尊告曰純陀汝莫啼
哭自亂其心當正思惟當知有爲無有堅實純陀白
佛如來不哀住世世間空處我等那得而不啼哭佛
言純陀今我哀汝及諸衆生而般涅槃諸佛法爾有
爲之法一切皆然

度須跋陀

涅槃經後分云時須跋陀羅從佛聞說大般涅槃甚
深妙法得法眼淨愛護正法已捨邪見於佛法中深

信堅固欲求出家佛言善來卽成沙門法性智水灌
注心源無復縛著漏盡意解得羅漢果卽於佛前長
跪合掌悲喜交流深自悔責而白佛言恨我毒身久
劫已來常相欺惑令我長沒無明邪見淪溺三界外
道法中爲害滋甚今大慶幸蒙如來恩得入正法世
尊智慧大海慈愍無量竊自惟忖累劫碎身未能報
此須臾之恩悲泣流淚不能自裁復白佛言我年老
邁餘命未幾未脫衆苦行苦遷逼惟願世尊莫般涅
槃世尊不許須跋陀羅發聲大哭舉身投地昏迷悶
絕久乃蘇醒涕淚哽噎白佛言我今不忍見於如來

入般涅槃我今寧可先自速滅唯願世尊後當涅槃
說是語已悲戀哽咽於是時項先入涅槃佛勅大眾
以雜香木茶毘其尸

佛現金剛

穢跡金剛經云爾時如來臨入涅槃諸天人眾皆來
供養唯有螺髻梵王不來觀省時諸大眾惡其我慢
使諸呪仙往彼令取乃見種種不淨而為城塹犯呪
而死復策無量金剛持呪而去無人取得大眾悲哀
爾時如來卽以大遍知神力隨左心化出不壞金剛
卽於眾前顯大神通卽自騰身至梵王所指彼穢物

變為大地金剛報言汝大愚痴我如來欲入涅槃汝
何不去耶螺髻梵王發心至如來所時金剛復告眾
言若有世間眾生被諸天惡魔外道所惱亂者但誦
我呪令諸有情永離貧窮常令安樂於佛滅後受持
此呪誓度眾生令佛法不滅久住於世卽說大圓滿
陀羅尼神呪穢跡真言唵嘛咕囉摩訶鉢囉恨那
唵唵什唵微咕微摩那栖鳴深暮囉啤咩咩咩咩
娑訶若有眾生誦持此呪者永離苦難所求如願隨
意滿足獲大吉祥

如來懸記

法任經云世尊臨般涅槃告阿難言我般涅槃末法之時我諸弟子捨佛正教多貪利養習諸戲論於我法中不善修習身心慧更相忿諍謀奪誹謗耽著妙好種種衣服房舍敷具諸惡徒黨共相集會設有持戒更相毀辱於須臾頃悉皆毀犯以是因緣天龍等衆悲傷懊惱皆悉遠離大臣長者於三寶所不生淨信凌辱輕毀以是因緣令正法滅從是以後諸苾芻等造惡轉深大臣長者益不恭敬三寶餘勢猶未全滅故於彼時復有苾芻少欲知足護持禁戒修行靜慮愛樂多聞受持如來三藏教法廣爲四衆分別

演說利益安樂無量有情復有國王大臣長者居士善男信女人等愛惜正法於三寶所供養恭敬尊重贊歎護持建立無所顧戀當知皆是不可思議諸菩薩等以本願力生於此時護持如來無上正法與諸有情作大饒益

最後垂訓

長阿含經云爾時世尊告諸比丘汝等當知我以此法自身作證成等正覺所謂四念處四意斷四神足四禪五根五力七覺意八聖道於此法中和同敬順勿生諍訟同一師受同一水乳於我法中宜勤受學

我已所說十二分教所謂契經祇夜經受記經偈經法句經相應經本緣經本生經方廣經未曾有經譬喻經大教經汝等當善受持稱量分別隨事修行如來不久是後三月當般涅槃比丘聞已自投於地佛言汝等且止勿懷憂惱天地人物無生不終欲使有為不變易者無有是處我亦先說恩愛無常合會有離身非已有命不久存吾年老矣餘命無幾所作已辦今當捨壽汝等比丘自攝定意守護其心若於我法無放逸者能滅苦本盡生老死又告比丘吾今所以誠汝者何天魔波旬向來請我速入涅槃世尊不

答默然許之

臨終遺教

佛遺教經云爾時世尊將入涅槃是時中夜寂然無聲為諸弟子略說法要汝等比丘於我滅後當盡重珍敬波羅提木叉如暗遇明貧人得寶當知此則是汝大師若我住世無異此也持淨戒者不得販賣貿易安置田宅畜養人民奴婢畜生一切種植及諸財寶皆當遠離如避火坑不得斬伐草木墾土掘地合和湯藥占相吉凶仰觀星宿推步盈虛曆數筭計皆所不應節身而食清淨自活不得貪預世事通致使

命呪術仙藥結好貴人親厚媒慢皆不應作當自端
心正念求度不得飽藏瑕疵顯異惑象於四供養知
量知足輒得供事不應畜積此則略說持戒之相戒
是正順解脫之本故名波羅提木又依因此戒得生
諸禪定及滅苦智慧當持淨戒勿令毀缺能持淨戒
則有善法若無淨戒諸善功德皆不能生我欲滅度
是我最後之所教誨

茶毘法則

涅槃經後分云阿難白佛言世尊涅槃依何法則茶
毘如來佛言我入涅槃如轉輪聖王命終之後經停

七日乃入金棺卽以上妙香油注滿棺中密蓋棺門
其棺四面應以七寶間雜莊嚴一切幡幢香花供養
經七日後復出金棺應以衆妙香水灌洗沐浴如來
之身以上妙兜羅綿徧體纏身次以細軟白氎復於
綿上纏如來身乃入金棺復以香油盛滿棺中閉棺
令密乃以牛頭旃檀沉水一切香木成七寶車一切
衆寶以爲莊嚴載以寶棺至茶毘所無數寶幢寶幡
無數寶蓋寶衣一切香花一切音樂周徧圍繞悲哀
供養一切天人大衆應各以旃檀香木茶毘如來茶
毘已訖天人四衆收取舍利盛七寶瓶於其城內四

衢道中起七寶塔塔開四門安置舍利一切天人所
共瞻仰能為入天而作福田能令眾生得大功德脫
三界苦入正解脫

造塔法式

涅槃經後分云阿難白佛言佛涅槃後當於何所荼
毘如來佛言可於拘尸城外復白佛言荼毘已訖當
於何所起塔佛告阿難當於拘尸那伽城內四衢道
中起七寶塔高十三層上有相輪一切妙寶間雜莊
嚴一切世間眾妙花幡而嚴飾之四邊欄楯七寶嚴
飾一切裝鉸靡不周徧其塔四面面開一門層層間

次窓牖相當安置寶瓶如來舍利天人四眾瞻仰供
養時阿泥樓豆白佛言天人四眾如何分布如來舍
利供養佛言一切天人取佛舍利以平等心分布三
界一切六道世間供養何以故如來等視眾生猶如
一子平等利祐世間眾生能令汝等福德無量爾時
天人太眾悲哀流淚不能自裁世尊普告大眾汝等
天人莫大愁惱佛雖涅槃而有舍利常存供養復有
法寶常住於世能令眾生深心歸依供養舍利即見
佛如我在世無異

應盡還源

涅槃經後分云爾時世尊告諸大眾我今時至舉身
疼痛說是語已卽入初禪從初禪出入第二禪從第
二禪出入第三禪從第三禪出入第四禪從四禪出
入虛空處從空處出入無邊識處從識處出入不用
處從不用出入非想非非想處從非非想出入滅盡
定從滅盡定出還入非想非非想處從非非想出入
不用處從不用出入無邊識處從識處出入虛空處
從空處出入第四禪從四禪出入第三禪從三禪出
入第二禪從二禪出入第一禪爾時世尊如是逆順
入諸禪已復告大眾我以佛眼徧觀三界一切六道

大地含生有情無情如是三界根本性離畢竟寂滅
同虛空相一切諸法無明本際性本解脫於十方求
了不能得根本無故所因枝葉皆悉解脫無明解脫
故乃至老死皆得解脫以是因緣我今安住常寂滅
光名大涅槃

雙林入滅

涅槃經後分云爾時佛在拘尸那伽城娑羅雙樹林
與四眾天龍八部前後圍繞二月十五日臨般涅槃
入諸禪定示誨眾已於七寶牀右脇而卧頭枕北方
足指南方面向西方後背東方娑羅樹林四雙八隻

西方一雙在如來前東方一雙在如來後北方一雙
在如來頭南方一雙在佛之足至於中夜入第四禪
寂然無聲於是時頃便般涅槃入涅槃已其娑羅林
東西二雙合爲一樹南北二雙合爲一樹垂覆寶牀
蓋於如來其樹即時慘然變白猶如白鶴枝葉花果
皮幹皆悉爆裂墮落漸漸枯悴爾時普佛世界一切
大地皆大震動一切大海皆悉混濁沸涌濤波一切
江河溪澗川流泉源水盡枯涸大地處空寂然大暗
日月精光悉無復照忽然黑風鼓怒驚駭振吹扇塵沙
彌暗世界卉木藥草悉皆摧折一切諸天徧滿虛空

哀號悲泣震動世界

釋迦如來應化錄下二

西... 雙在如木... 東方... 一雙... 不... 一雙...
 在劫來... 通... 兩方... 一雙在佛之... 足... 於... 中... 夜... 一雙...
 寂然... 無... 於... 其... 塔... 頃... 便... 般... 溫... 變... 入... 涅... 槃... 已... 其... 上... 一...
 東西... 二... 雙... 合... 為... 一... 樹... 南... 北... 二... 雙... 合... 為... 一... 樹... 南... 北... 一...
 善... 於... 如... 來... 其... 樹... 即... 時... 慘... 然... 變... 白... 猶... 如... 白... 鶴... 枝... 葉... 皆... 落...
 皮... 幹... 皆... 悉... 燥... 裂... 隨... 悉... 漸... 漸... 枯... 朽... 爾... 時... 音... 佛... 世... 界... 一... 切...
 大... 地... 皆... 大... 震... 動... 一... 切... 大... 海... 皆... 悉... 混... 濁... 滿... 海... 皆... 變... 為... 一... 切...
 擊... 破... 來... 劫... 外... 劫... 不... 二...
 哀... 號... 悲... 泣... 震... 動... 世... 界...
 一... 切... 諸... 天... 皆... 震... 動... 一... 切... 諸... 天... 皆... 震... 動...



